

## ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ

### ԿԱԴԱՍՏՐԻ ԿՈՄԻՏԵԻ ԳԵՈՄԱՏԻԿԱՅԻ ԿԵՆՏՐՈՆԻ ԵՐԿՐԱՏԱՐԱԾԱԿԱՆ ՏՎՅԱԼՆԵՐԻ ԿԱՌԱՎԱՐՄԱՆ ԲԱԺՆԻ ՊԵՏ

#### 1. Ընդհանուր դրույթներ

##### 1.1. Պաշտոնի անվանումը, ծածկագիրը

Կադաստրի կոմիտեի (այսուհետ՝ Կոմիտե) Գեոմատիկայի կենտրոնի (այսուհետ՝ Կենտրոն) երկրատարածական տվյալների կառավարման բաժնի (այսուհետ՝ Բաժին) պետ (ծածկագիրը՝ 61-25.7-Ղ4-3)

##### 1.2. Ենթակա և հաշվետու է

Բաժնի պետն անմիջական հաշվետու և ենթակա է Կենտրոնի պետին:

##### 1.3. Ենթական և հաշվետու պաշտոններ

Բաժնի պետին ենթակա և հաշվետու են Բաժնի աշխատողները:

##### 1.4. Փոխարինող պաշտոնի կամ պաշտոնների անվանումները

Բաժնի պետի բացակայության դեպքում նրան փոխարինում է Բաժնի մասնագետներից մեկը:

##### 1.4. Աշխատավայրը

Հայաստան, ք. Երևան, Կոմիտաս 35/2

#### 2. Պաշտոնի բնութագիր

##### 2.1. Աշխատանքի բնույթը, իրավունքները, պարտականությունները

1. կազմակերպում է Ազգային տարածական տվյալների ենթակառուցվածքի (այսուհետ՝ ԱՏՏԵ) մուտքագրված երկրատարածական շերտերի խմբագրման, ուղղման և վարման աշխատանքները.

2. կազմակերպում է պետական և տեղական նշանակության քարտեզագրական, գեոդեզիական և երկրատեղեկատվական (այդ թվում «Գաղտնի» դրոշմագրով) աշխատանքները.

3. կազմակերպում է երկրատեղեկատվական համակարգերի, տվյալների բազայի ստեղծման տրամաբանական սխեմաների, մեթոդաբանության կազմման աշխատանքները.

4. կազմակերպում է տիեզերական և օդայուսանկարահանման աշխատանքների արդյունքում ստացված նյութերի ֆոտոգրամետրիկ մշակման և օրթոֆոտոհատակագծերի ստեղծման աշխատանքները.

5. կազմակերպում է Հայաստանի Հանրապետության պետական սահմանի և վարչատարածքային միավորների սահմանագծման, սահմանագատման հետ կապված, ինչպես նաև ՀՀ տարածքից դուրս գտնվող այլ տարածքների հետ կապված գեոդեզիական և քարտեզագրական աշխատանքները.

6. կազմակերպում է պետական մասշտաբային շարքի տեղագրական, հատուկ և նավիգացիոն քարտեզների ստեղծման, թարմացման և բազմացման աշխատանքները.

7. կազմակերպում է թեմատիկ քարտեզների, ատլասների ստեղծման և հրատարակման աշխատանքները.

8. կազմակերպում է աշխարհագրական անվանումների հաշվառման, պետական քարտադարանի ստեղծման, վարման, տարաբնույթ տեղեկատուների և բառարանների կազմման աշխատանքները.

9. կազմակերպում է հասցեների միասնական ռեգիստրի և երկրատեղեկատվական համակարգերի ինտեգրման աշխատանքները:

##### Իրավունքները՝

- Կենտրոնի համապատասխան մասնագետներից պահանջելու տեղեկատվություն երկրատարածական շերտերի խմբագրման, ուղղման, օդատիեզերական լուսանկարների մշակման և վերծանման, պետական մասշտաբային շարքի տեղագրական, հատուկ և նավիգացիոն քարտեզների ստեղծման, թարմացման և բազմացման աշխատանքները կազմակերպելու նպատակով.

- ունի ԱՏՏԵ-ի վարելու իրավունք,

- պահանջելու Հայաստանի Հանրապետության պետական սահմանի և վարչատարածքային

միավորների սահմանների վերաբերյալ համապատասխան տեղակատվություն.

- ուսումնասիրելու աշխարհագրական անվանումների հաշվառման, թեմատիկ քարտեզների, ատլասների ստեղծման և հրատարակման աշխատանքները կազմակերպելու նպատակով անհրաժեշտ, այդ թվում գաղտնի, նյութեր.

- մշակելու երկրատեղեկատվական համակարգերի, տվյալների բազայի ստեղծման տրամաբանական սխեմաների մեթոդաբանությունը,

- իրավունք ունի իրականացնելու ստուգաճշտումներ և մուտագրելու ԱՏՏԵ,

- Կենտրոնի համապատասխան աշխատակիցներից պահանջելու տեղեկանքներ, հաշվետվություններ, միջնորդագրեր, զեկուցագրեր և այլ գրություններ.

**Պարտականությունները՝**

- հսկել երկրատարածական շերտերի խմբագրման, ուղղման աշխատանքները.

- ապահովել ԱՏՏԵ-ի անխափան աշխատանքը.

- պարբերաբար ստուգել օդատիեզերական լուսանկարների մշակման և վերծանման աշխատանքները.

- վերահսկել Հայաստանի Հանրապետության պետական սահմանի և վարչատարածքային միավորների սահմանագծման, սահմանագատման հետ կապված, ինչպես նաև ՀՀ տարածքից դուրս գտնվող այլ տարածքների հետ կապված գեոդեզիական և քարտեզագրական աշխատանքները.

- ստեղծել բարձր որակի պետական մասշտաբային շարքի տեղագրական, հատուկ և նավիգացիոն քարտեզներ և վերահսկել դրանց թարմացման և բազմացման աշխատանքները.

- ստեղծել և հրատարակել ընդունված ստանդարտներին համապատասխան թեմատիկ քարտեզներ.

- հաշվառել աշխարհագրական անվանումները.

- վերահսկել երկրատեղեկատվական համակարգերի, տվյալների բազայի ստեղծման տրամաբանական սխեմաների, մեթոդաբանության կազմման աշխատանքները:

**3. Պաշտոնին ներկայացվող պահանջներ**

**3.1. Կրթություն, որակավորման աստիճանը**

ՈՒՂՂՈՒԹՅՈՒՆ	Ճարտարագիտություն, արդյունաբերություն և շինարարություն	Բնական գիտություններ, մաթեմատիկա և վիճակագրություն
ՈԼՈՐՏ	Ճարտարապետություն և շինարարություն	Գիտությունների երկրի մասին
ԵՆԹԱՈԼՈՐՏ	Շենքերի և քաղաքային ճարտարագիտություն	-
ՄԱՄՆԱԳԻՏՈՒԹՅՈՒՆ	-	-

**3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ

**3.3. Աշխատանքային ստաժ, աշխատանքի բնագավառում փորձառություն**

հանրային ծառայության առնվազն երեք տարվա ստաժ կամ չորս տարվա մասնագիտական աշխատանքային ստաժ կամ պետական կազմակերպությունների և հիմնարկների ղեկավարման կամ ճարտարագիտության բնագավառում երկրաբաշխի կամ քարտեզագրի կամ տեղանքագրի՝ չորս տարվա աշխատանքային ստաժ.

**3.4. Անհրաժեշտ կոմպետենցիաներ**

**Ընդհանրական կոմպետենցիաներ՝**

1. Աշխատակազմի կառավարում
2. Քաղաքականության վերլուծություն, մոնիթորինգ
3. Որոշումների կայացում
4. Ծրագրերի կառավարում
5. Խնդրի լուծում
6. Բարելավություն

**Ընտրանքային կոմպետենցիաներ՝**

1. Ժամանակի կառավարում
2. Ժողովների և խորհրդակցությունների կազմակերպում և վարում
3. Փաստաթղթերի նախապատրաստում

#### 4. Տեղեկատվական տեխնոլոգիաներ և հեռահաղորդակցություն

##### 4. Կազմակերպական շրջանակ

##### 4.1. Աշխատանքի կազմակերպման և ղեկավարման պատասխանատվությունը

Պատասխանատու է համապատասխան մարմնի կառուցվածքային միավորի աշխատանքների կազմակերպման և ղեկավարման համար:

##### 4.2. Որոշումներ կայացնելու լիազորությունները

Կայացնում է որոշումներ համապատասխան մարմնի կառուցվածքային միավորի աշխատանքների կազմակերպման և ղեկավարման շրջանակներում:

##### 4.3. Գործունեության ազդեցությունը

Ունի գերատեսչական մակարդակում աշխատանքների կազմակերպման և իր լիազորությունների իրականացման արդյունքում այլ անձանց վրա ազդեցություն:

##### 4.4. Շփումները և ներկայացուցչությունը

Շփվում և որպես ներկայացուցիչ հանդես է գալիս տվյալ մարմնի, այլ պետական մարմինների և կազմակերպությունների ներկայացուցիչների, ինչպես նաև օտարերկրյա պետությունների և միջազգային կազմակերպությունների ներկայացուցիչների հետ՝ իր իրավասությունների շրջանակներում:

##### 4.5. Խնդիրների բարդությունը և դրանց լուծումը

Իր լիազորությունների շրջանակներում բացահայտում, վերլուծում և գնահատում է իր կողմից ղեկավարվող կամ կառուցվածքային միավորի խնդիրները և դրանց տալիս լուծումներ: